

增刻道藏輯要

觀音大士蓮船經敘

古今之遠一道而已矣天下之大一道而已矣卽聖神之荷擔宇宙仙佛之理會心區亦一道而已矣而修道之士每分門別戶各相詆毀者何也蓋以本原不明罔識所以然之故耳然亦無怪其然也世鮮真傳人何以了理無歸宿道何以明嗚呼斯事之不彰於人間也不知凡幾矣無惑乎至聖難得極詣難臻竟不見有一懷抱這箇者能渾渾於其際也吾也真息永定片念俱亡以真無之烏有渾含以一理之貫注應事照得當引斯人以成道乃傳妙經而發微旨曰蓮蓋以蓮體之空潔堪以昭

道藏輯要

蓮船經敘

續斗集一

心之虛靈耳次曰船蓋以船舟之渡人足以喻道之濟世耳經者常也以蓮船之常道拔志士之沉淪夫亦惟是昌明道妙焉已矣是故聖典不秘也不傳亦傳難彰亦彰上中下平列三品要無非極詣工夫前中後分派九章大都係本原奧義曰窮理曰盡性曰至命此三步之所以然耳曰烹煉曰抽添曰火候又九候之層次地也至於大藥本換骨之仙丹至於鼎爐實成道之真際若夫金丹一章則所謂古今不傳之秘也縱言難言之也不生不死之關頭不消不息之玄妙其道止一無耳不見夫真凡相較乎真理與凡氣較則真理陽而凡氣陰窮理窮則知覺真而光明朗徹春溫之和得矣不見夫理烝相較乎真烝

與真理較則真炁陽而真理陰盡性性盡則行爲力而理炁壯
夏炎之烈得矣至於至命一途則所謂還無者由此始矣烹之
煉之抽之添之火候到大藥全矣曰鼎曰鑪曰丹功夫極而
真息定矣秋景之澄清秋氣之收斂秋涼之平靜秋金之嚴肅
不於是而得證妙果乎於戊歸藏於艮止伏於亥靜篤於坤虛
極萬念俱渾朕兆悉無陰無以引之而消也將何以死陽無以
誘之而息也將何以生渾渾然冥冥然寂然不動焉依依然幽
幽然感而遂通焉則所謂金丹大道者乃於是而完矣嗚呼夫
亦孰是無念者耶生生死死止此念耳有念則生死興無念則
生死絕夫亦孰是無念者耶蓋無爲無難言其妙言剛極剛雖
道藏輯要

蓮船經敘

二 續斗集一

至剛者不能入言堅極堅雖至利者不能出言細極細雖至細
者不能藏言大至大雖至大者不能載火不焚水不溺金石弗
碍法力固傷卻又至聖至靈無物不體且也至玄至妙無往弗
能金丹之所以爲金丹也極詣之所以爲極詣也此吾著蓮船
經之所以渡人者在是矣有緣子其勿忽諸有緣子其勿忽諸